

萬曆

泉州府志

第九册

二十一至二十二卷

泉州府志卷之二十

人物志下之上

黃潤字以誠正德辛巳授武進知縣值江南大饑民流移至者凡三萬四千有奇潤多方請賑設法給贖粥錢穀民賴以活武進賦重先是巡撫周忱奏折布以輕之疋布抵糧石吳廷舉議徵其價疋銀五錢潤諍之曰三吳石價歲三四錢耳折布固將輕之若裁定五錢是重之也乃改徵疋三錢遷南京刑部主事部務畢即閉戶讀書因稽古事蹟有闢經濟者類爲經濟備考四十餘卷改兵部武

選主事奏立選倣世家各立編年選法轉車駕郎中適李真人奉遣齊雲山設醮怙邵真人有寵多索符傳潤詰之曰勅給應付李真人一員耳且

上固畀白金百兩爲僕從道里費正令勿擾州縣驛遞也第如制與之出守松江府修葺廟學給學田二百餘畝歲饑平糴米價不踴定賦役冊劑量均俸畫一至今便之丁父憂還松人思之曰黃府公惟飲吾松水耳服闋改東昌守尋遷河南憲副飭兵信陽時章華臺青衣嶺三點山諸劇盜盤據流劫潤發將士悉討平之虜寇太原潤提兵守井陘

虜遂引去遷山西左叅政分守潞安以母老上表乞終養所著有東石漫稿十餘卷

丘養浩字以義正德辛巳進士授餘姚知縣勸學興士清版籍省賦役懲猾蠹民甚宜之行取拜監察御史疏劾近侍陳欽橫恣都城謫永平推官未行臺諫疏救賜還職席宗伯書以議禮得幸其弟檢討春巳與劉夔並陞按察僉事書報陳乞仍復館職養浩疏其冒恥奔競患失難退已巡山海關復疏徐定國冒奪邊關屯地千餘頃條陳防邊便宜十餘事朝論歸焉提督南畿學校制歸服闋董

九廟大工之後尋陞南京大理寺丞轉大理寺少卿
擢右僉都御史巡撫四川檄諭雜谷白草番夷先
後納款烏蒙羅魁構播肆靈責成土舍祿堂誅之
効邊將李爵險譎善附舉廢將何卿起代未幾改
巡撫江西有論其私何卿者遂引避還部覆得白
卒于家養浩才氣迅發其入蜀也欲力持風裁以
振晏墮單車御二蒼頭入境一蒼頭有所索于從
卒撲殺而焚棄之痛絕黑吏不少貸與大吏議獄
有穴竇關節必摘而折詘之使無所爲辭諸不悅
者競造蜚語以太猛中之故移撫未幾煩言隨至

獨內江趙文肅稱其澄清之氣搖動岷蔡再借三年蜀其有瘳文肅素著剛直遂爲定論

王慎中字道思幼稟異質日誦數千言了悟不繇師解嘉靖丙戌第進士時年甫十八授戶部主事監兌通州憫運卒轉輸之疲視糧有浥爛者不以罪運卒即散給軍士人服其練達尋改禮曹時

世廟方改建四郊廣集廷議慎中典祠祭原本禮始揆時折中大宗伯倚重焉辛卯主粵東試稱爲得人錄文出其手世傳誦之會簡曹郎充館職時相屬意且寄聲慎中不往謁也遂不得與尋改吏部

司驗封以部覆馳封事例奉

旨詰責當棟因事擠之謫常州判擢南京戶部主事
禮部員外郎督學山東以古風教爲已任校文秉
公不徇舊案得之片牘券之終身殷相公士儋李
憲使攀龍其首賞識也年餘轉江西叅議江西故
王文成講學地至則與賢大夫倡明其道值

章聖皇太后梓宮道九江供億繁難節約以禮中官
無訶望吏不告疲摧河南叅政屬歲饑大梁宋衛
之墟殍滿蔽野戶部侍郎王某奉旨出賑檄慎中
與開倉發粟勸分平糴施給有方王侍郎疏其可

大用辛丑大計吏部擬不及忽內批報罷士論駭
之慎中學博材俊自視亦高第旋廢肆力文章
追執作者初但慕先秦已上語漢而下無取焉後
細讀宋名家言覺其味長乃自悔舊所爲文以爲
專模擬秦漢人者即非秦漢人也最喜歐曾集極
力步趨欲鴈行而肩出之每構一篇反覆沉思意
定而辭立就瞻而有則深而不鑿按之成隊誦之
應聲唐中丞順之稱其文二百年来當爲中興後
有起者或推尊北地牛耳相高然終莫之及也居
家孝友奉親篤摯信愛諸弟周恤族人好誘進士

類材其人必延致之或先造廬請見游揚之當道
有司倚其言為水鑑士一經品騰旋即知名門墻
幾不能容言文辭者多宗之所著遵嚴集行世

王宗濬字志達晉江人與兄宗源先後舉進士宗
濬郎戶部時值徽府奏乞自徵地賦并請勅示後
宗濬言于尚書梁材以擅征困民非

祖宗舊制疏爭之事得寢徽府復奏部司抗違成命
世廟命逮宗濬詔獄謫廣東提舉稍遷太平同知晉
湖廣江防僉事飭武備新饗序風裁凜然不幾以
疾卒于官舍王叅政慎中哭以詩云世情方忌直

天道亦妨才。又云處室無長物。附身惟故衣。其生平可概見云。

梁懷仁字宅之。晉江人。宋丞相梁文靖公裔孫也。嘉靖乙酉年方十六。舉鄉試。己丑第進士。懷仁生抱異質。敏慧絕群。有神童之稱。既登名禮部。人視其文章翰墨。如璵璠結綠。一時希覲。片言隻字。必爭取珍藏之。初授南京吏部主事。方鍵戶讀書。銳志慕古。閱三月卒。所著有國朝功臣年表。讀史日抄。詩文數百首。

蔡克廉字道卿。晉江人。父祐領鄉薦。爲湖州教授。

祀名宦鄉賢克廉年十九舉嘉靖己丑進士除戶部主事乞改南尋調北刑部主事陞員外郎中先是大同軍叛總督劉源清逮下獄久不決及克廉治源清獄謂邊鎮大臣論死以快叛卒非國體且源清先有助破寧庶人功請宥之

肅皇帝從其議劉得母死用是得平恕名張延齡者孝康皇后弟坐罪下詔獄先後提牢主事恐傷母后心寬之

上廉知恕責尚書罪諸先後提牢者克廉坐謫廣德州同知久之量移廬州府同知擢南京禮部主客

郎中出爲貴州提學僉事未行丁外艱起補江西
提學僉事陞廣東提學副使兩省士先後成進士
數百十人多爲名臣陞浙江右叅政江西按察使
右布政使尋擢僉都御史被劾得白以原官起撫
江西陞右副都御史督漕入爲戶部右侍郎俄轉
左晉南京戶部尚書時年四十有九耳會卧病邸
中而振武營兵變以減餉故射殺侍郎克廉以是
罷歸尋卒克廉純明溫粹在泉與梁懷仁王慎中
並少年高第以文行相砥在官當事頗識敏裁處
繁應卒動中窾會如揮游又沛然而有餘至其與

賓客談語拓舊爲新推小至大闡微極著更出互
生滾滾不窮世人盡推克廉才而克廉亦以是爲
分宜相所知分宜相當國遂極注意推引焉世人
以此訾議之然克廉爲戶部左侍郎時尚書方缺
獨乞南曹其引嫌自遠有足諒者子應麟爲吏部
郎

莊用賓字君采晉江人性鯁直少戇遇事傾吐無
所隱諱見不善人輒發憤叱呵嘉靖己丑進士授
行人轉司副遷刑部員外郎時汪太宰鏊肆威凌
折郎署用賓頌言其過汪忌之出浙江按察僉事

直指行部事有不合必與抗論王新建第被訟訟者死于獄所司當王重辟用賓爭出之餘姚令顧存仁以抗直得謗力爲湧雪竟擢給事中以諫顯上虞永倚齷使私人貪恣不法亟暴其狀黜之寧波醫官壞議爲修葺直指以疏動帑金非便用賓曰院移某邑餽某鄉大夫金若干果疏動耶直指變色大恨謀於齷使因報命論劾量調而汪太宰遂從中覆罷時年三十有一耳用賓早廢則爲德於家纂譜牒新宗祠講鄉約濬水利閭閻疾苦見郡邑大夫即娓娓言之或語涉忌諱傍聽至爲縮

舌而用賓媿媿自如郡邑重其亮直多傾心焉永
寧衛卒脫巾屬以撫諭片言聽命釋其衛使於懸
倭寇逼郡縉紳分門部守城門晝閉用賓部南門
獨据床坐門外以次入避寇者父塚爲寇所發偕
弟用晦率鄉兵直搗寇巢負父骸以歸而用晦遂
沒於賊巡撫游震得上其事萬曆三十二年子鳳
章復詣關疏理贈用賓太僕少卿子用晦一子世
襲百戶鄉人思用賓德復請學使特祠祀之

楊逢春字仁甫同安人嘉靖己丑進士授昆山令
銳意任事賦籍徼牒胥吏不得竄手縣號富饒而

一毫不染民以此感逢春最深縣賦稅繁且重民
力不能給者逢春不忍急之行取至部以錢糧不
及緩二年乃得授南京浙江道御史骨鯁獨持痛
惡依阿澆忍之習遂抗疏列論兩京九卿大臣之
脂韋者十餘人劾退挾賂奔競之濫拜宮僚者一
時風采凜然又陳江北屯田利弊知無不爲推食
憲嶺南事無畏難諸所剔蠹甦民雖不屬己亦毅
然任之擢湖廣叅議分部潭邵之間平賦分役節
冗興教凡所當爲悉力從之縱有犯忤不恤也性
孝友與其弟不立私財居鄉敬老字幼不以貴倨

鄉人悅慕陞雲南按察副使未任而卒

洪富字國昌晉江人嘉靖己丑進士富未第時分宜相為祭酒知其文延為子師後登政府富無私謁人以此重之授刑部主事歷郎中出守雷州憲副吳玘其本司牙卒以賭殺人富按罪死吳自護體統為卒求免富不從爰書上大怒易以他官治之富以去留執益堅竟服辟為兩浙轉運使洗除宿弊纖毫不染有巡鹽御史唐臣微以私意示或勸之從富曰汙其身以媚人吾不能也御史怒陰撫其短竟不能加以內艱歸除補兩淮立傾覆交